



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

110. In electionibus ad officia, aut dignitates, postulat à Sanctissimâ Trinitate, per Quinque Vulnera Christi, ut electores, septem Spiritus sancti donis illustrentur, ac dirigantur. Patres primi ...

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

pulo fletus, tantus animi dolor, ut plorantibus & vociferationibus omnia Dei clementiam implorantibus personarent. Ergò averfa à spectaculis multitudine, quamquam sumptibus non modico apparati missi sunt ludi, & sanus domum suam quisque revertit, ut si de templo non de theatro discederet. Pars tamen maxima redeuntes domum Patres certatim prosequuta, eo motu, ut non pauci, quos nec temporum calamitas, nec Jobelæi indulgentia flexerat, exemplo illo dejecti ad Confessariorum pedes acciderint.

Nicol. Oland. hist. Societ. l. 2 2. num. 53.

X.

AMATOR CRUCIFIXI

In electionibus ad officia, aut dignitates postulat à Sanctissimâ Trinitate per Quinque Vulnera CHRISTI, ut Electores septem Spiritus sancti donis illustrentur, ac dirigantur.

110.
PATRES
Primi Societatis

ID animadverto factum in Societate IESV primis statim temporibus. Siquidem ad Supremos translato IGNATIO Fundatore, cum indicta esset Congregatio Generalis ad novi Præpositi creationem promulgatę sunt preces per universam Societatem pro bono Comitiorum.

rum exitu; præscriptumque à Vicario, ut ad Congregationis finem qui in maximam DEI laudem cederet, ac felicem successum impetrandum, extraordinaria pietatis munera exercerentur. Ex eo tamen die, cum illi, qui laturo suffragium erant, multò ardentius in preces & sacra facienda, in voluntaria verbera, jejunia & alias pias corporis vexationes incumberent, quando cognoscendis hominibus, ut maximè idoneo munus demandaretur, insisterent. Quo præcipue Quatriduum, quod Informationum dicitur, spectat.

Itaque in domibus Professorum & in Collegiis Scholasticorum pia illa opera ardentissimis studiis usurpabatur, partitis afflictationum, ac precationum certis generibus, ut in aliis alii per vices exercerentur: ac potestate cuique facta, quoad Præpositus renunciaretur, seu mente, seu voce, quantum placeret, orandi.

Communitè autem fuit injunctum, ut, qui Sacerdotes non essent, TER, & QVINQVIES, & SEPTIES, quotidie Orationem Dominicam, & Salutationem Angelicam pronunciarent, ut à SACROSANCTA TRINITATE, per QVINQUE CHRISTI Domini VVLNERA, ad felicem Generalis, qui secundum cor DEI sit, delectum, SEPTEM SANCTI SPIRI-

TVS DONA exposcerent.

*Hist. Societ. part. 2. lib. num. 21. Francisci
Sacchin. Anno 1558.*

DECAS XII.

I.

AMATOR CRUCIFIXI

In electionibus ad officia, aut dignitates, coram Crucifixo, & flexis ante illum genibus, fert suffragium, aut illud bis legit, ut nihil det affectui; sed solam Crucifixi spectet gloriam.

III.
PATRES
Electores
Præpositi
Generalis
Societatis.

OBSERVATUR id accuratè in Societate IESV, quando eligitur Præpositus Generalis hoc ritu. Electores ex singulis Orbis universi Provinciis, aut Europæ saltem, terni conveniunt. Ibi imprimis accipiuntur informationes de personis ad tantum munus idoneis, ut statuatur de dignissimo, quia aptissimo. Tunc die destinata, communione sacrâ in templo peractâ, inde CRUCE prælatâ, campanâ perfonante, Sociis Collegii sancti Spiritus hymnum concinentibus, ordine bini incedentes ad electionis concalve progrediuntur, ibidemque includuntur. Inclusi seorsim singuli abjiciunt sese in genua, coramque augustissima præpotentis DEI, & cuncta videntis Majestate